



UPA 2022/110  
11/5-2022  
Nivi Olsen

**Inatsisartut aalajangiiffigisassaattut siunnersuut Naalakkersuisut peqquneqassasut piffissaq nunatta nunasiatut inissisimajunnaarfiani pisut qulaajarneqassasut, piffissaq pineqartoq Naalagaaffiit peqatigiit nunasiaataajunnaarsitsinissamik piumasaqaataat Danmarkimit malinneqarsimanersut misissuiffigineqassasoq. Qulaajaanissamut suliakkiisummiik kikkunnillu suliarineqarnissaanik aalajangiiffigisassamik UKA 2022 Inatsisartunut saqqummiunneqassasoq, suliakkiissullu qinigaaffik naatinnagu aallartinneqassasoq.**

(Inatsisartunut ilaasortaq Doris J. Jensen, Siumut)

(Siullermeerneqarnera)

Siullermik Doris Jakobsen Jensen-mut qujarusuppungut taamak pingaaruteqartingisumik qaqsineranut.

Siunnersuuteqartoq qaqsivoq imaannaanngittumik, eqqartungassaqqilluinnartumillu.

Nunasiaataasimanerup kinguneri, naalangaaffinngoriartuaernerup aqqutaaniinnerput, inuiattut nukittorsarnissarput. Aammalu apeqput qaqangumita naalangaaffinngornissarput qanillissuarput?

Akisussaaffik angisooq, nammineq imminorpiaq oqartussaaffingilerneq. Nunarpot amerlanerussuteqartut nipaat ataqqilluinnarlugu unitsinnejarsinnaanngittumik tassunga ingerlapparput.

Nunasiaataasimanerulli annernartui aamma suli inuiaqatingiittut nammappangut. Tamanna takuarput ippassaaninnguaq, arnap nukittuup saqqummerneratingut arnarpasuit niviarsiaqqallu atungarisimasaat aqquasaarsimasaallu akuersarnejarsinnaanngilluinnartut saqqummiunneqarmata.

Kissaateqartaraluqaangut tamakku pissutsit taamaattut atuutinngisaannarsimassasut. Kimulluunniit pissutsit taamaattut atuuttussaanngillat, naartunaveersaammik spiralilersuisimaneq arnanut niviarsiaqqanullu suli atoqateqarnerup silarsuaanut appakaatinngitsunut akuersarnejarsinnaanngilluinnarpoq. Iliuuserineqarsimasoq kanngunartoq ersarissumik tamaat qulaajarneqartariaqarpoq.

Qasserpiaat eqqartorpangut? Qassit taakkunani naartusinnaajunnaarsimappat? Qanoq kingunerlutsitsisimava?

Pingarnerpaatullu qanoq eqqungaasimasut naalangaaffiup uangullumi tapersorsorsinnaavangut?

Aperingussinga, utoqqatserneq naammanngilluinnarpoq. Inunniq taamak annernartingisumik eqquisimangaanni, soorunami aamma kinguneqartariaqarpoq.

Qujassutissaqarpungut annernartumik eqqungaasimasut saqqummiussimmata. Siunertarineqarsimmasorlu oqaatingineqartutuut kalaallunik ikilisaaniarneq siunertaasimappat, tupinnanngittumik kamak,



iliusissaarunneq, kinguneqartitserusunnerlu eqqungaasuni pinngittoorani atuuppoq, qinikkatullu nunatsinnut inuinullu illersuisussatut aamma annertuumik eqquivoq.

Taamaattoqarsimanera akuersaanngilarput tamarmi qulaajarli. Annernartummi qulaajanngikkutsingit oqaluuserinngikkutsingillu qaangiunnavaianngillat.

Eqqaamatinguli aamma inuuneq ingerlaqqissooq, ullumikkut meerartannguangut illorsorlungit paaqqutaralungit isumassorlungillu ingerlaqqittariaqarpungut. Taamaakkaluartoq meeqqat atungaat ullutsinni nutaaliaasumi aamma illersorneqarnerat apeqqusernannngittuunngilaq.

Atukkangummi inuiaqatingiittut imaannaanngillat. Tamatingullu nunasiaataasimaneq aamma pisuutittassanngilarput. Mianernarpoq. Aamma meerartangut periarfissittariaqarpangut annernartunut illersussallungit.

Pisimasut inersimasuniitsitsingit. Ajortut nammatangut meeqqatsinnut ingerlaqqinnginnisaat qulakkeertariaqarpangut. Taannalu pisinnaavoq kisimi oqaluuserineratigut.

Sorpassuarnik qalluisinnaangaluarpungut, sorpassuit aaqqitassat, inuiaqatingiit ingerlaniarnerannut kalluaasut, nunaqarfinni nunaqqatingut aalisarluartut ATV-nilluunniit ingerlatsitsisinaanngillat kørekorteqanngikkunik. Oqartussaaffik angerlaassimannnginnatsingu imaaliallaannaq aaqqissinnaanngisarput. Pissutsit taamaattut qimattariaqarpangut.

Illuanili aamma immitsinnut qiviarnissarput pingaaruteqarpoq. Nunaqqatingut ingerlalluartut akissaqarluartut nunaqarfinni illoqarfinnilu namminerisaminnik illuliornissaalluunniit periarfissaanngilaq nunaminertamik kommunimiik tunineqarsinnaannginnamik. Mannalumi nunarsuarput angeq. Kinamiikkaluarutta tattoqiffiusumi immaqa pissutsit tamakku paasinassangaluarpungut. Nunarpungut angeqaaq periarfissaqaqaaq. Pikkorinnerusariaqarpungut sutingut tamatingut. Aamma sullarinnerusariaqarpungut angusassangut angujumallungit.

Taamatut oqaaseqarluta siunnersuut ataatsimiitaliamut susassaqartumut ingerlateqqipparput neriuutingalungu ataatsimiitaliami sukumiisumik suliarineqarumaartoq.